



53354

kat.komp.

I

Mag. St. Dr.

P

Sieprski Lucas: Quaestio de actione
et passione.



QVÆSTIO

DE

ACTIONE

&

PASSIONE,

A



M. L V C A S I E P R S K I

*Collega Minor, in Alma Academia
Crac: publicè ad disputandum.*

PROPOSITA,

Anno Domini M. DC. XXXVIII. Men. Oct: Die
Hora XII. in Lect: DD. Theologorum.

Permissu M. D. Rectoris.

CRACOVIAE,

In Officina Typographica Stanislai Bertutonic.

In Insigne Monasterij Tinecen.



53357
Quid gladius geminas circumfert pegmate claves?
 Præsidium Diuûm denotat eximium.
 Clauiger æthereus cœlestia Patribus offert
 Regna, Vigil Paulus monstra sed ense fugat.
 O fortunatam tantis nimiumq; beatam
 Principibus, meritis, Relligione, Domum.

Christoph : Sarbiewski
 Phil; & Eloq̃æ Stud.

Religiosiss: & Vigilantiss: Patri

CONVENTVS TINECEN:
PRIORI.

Cæterisq; omnibus Religiosis: & Chariss.

VENERABILIS CAPITVLI

PP. & FF.

Ordinis S. Patris Benedicti

PROFESSIS.

M. LVCAS SIEPRSKI

SALVTEM & PROSPERITATEM P.

Lucubrationes irrequietis laboribus absolutas, doctrinâ reconditori perpolitâ, in theatrum publicæ lucis emissuri, eas hominibus à fonte & origine maximis, à radice inelytis, adhuc tergemino radio virtutis, doctrinæ, nobilitatis illustribus, nuncupare solent: ut præstantia tantorum hominum, quos suis munusculis ornant à calumnia & à liore sint tutiores. Eadem ratio nunquam satis laudata in Palestram certaminis Philosophici mihi prodituro, & in nobilissimum totius Sarmatiæ Lyceum, questionem de Actione & passione, ex abdito rerum naturalium gremio depromptam deducturo, tenenda venit: videlicet primæ ingenij mei documenta, veluti arbuscula tenera præsidio maximorum hominum, ne in medio cursu fractæ concidant, fulcire Vestrum proinde Religiosiss: Patres Conuentum Tinecen: delegi, à fonte & origine maximum, erectione memorabilem. quidquid enim celebris in totum orbem Academia Parisiensis habet, totum id Vestris Doctoribus, Ioanni Mairloso & Claudio Clementi, qui eam regnante Carolo Primo à fundamentis insigni modo excitârunt, auxerunt, consumarunt, acceptum refert. Satiùs igitur est ab vno quoq; inge-

nio tacita admiratione ac veneratione, vti cetera quæque Diuina inclytam originem
familie Vestre coli, quàm cuiusquæ eloquentissimi Oratoris facundia celebrari. Quod
si respicias Conuentus Tinecen: Autorem: non alium quàm Rex Sarmatiae potentis-
simus CASI MIRVS; qui cum patris bellici disciplinam, & vniuersam Reipub:
bene administrandæ rationem percaluisset, manum etiam religiosissimo Vestro Con-
uentui fundando adiecit; nec mora erexit, facultatibus auxit, contraq; omnes tempo-
rum iniurias obfirmavit. Hoc patrociniū origine adeò illustre, generis nobilitate
antiquum, magnitudine celebre, dum huic tenero fetui meo quæro, fauebitis Patres,
qui inter Diuinos fetus procreandos literas non finitis exarescere; approbabitis, quia
ingenia amplectimini, quæ ipsi excoluistis; laudabitis, quoniam eas artes promouetis,
quas olim ex huius Regni Scholæ fontibus hausistis, & illius Professorum mensam ab
initio tenuem, postmodum auctiorem reddidistis. Nunquam tam heroicum beneficium
memoria abolebit, conetur licet temporum iniquitas extinguere. Adextremum an-
nuetis, quia virtutes Academicas fouetis, quæ vita moribuzq; expressistis, aluistis, ha-
bitu quo Academia circa Actus solennes vitur nobis socij esse voluistis. Accipite Re-
ligiosissimi Patres: quam disputationi publicæ propositam, consuetudine familiaris a-
micus Augustissimo nomini Conuentus Vestri consecrat, questionem: eam cum au-
toritate Conuentus Vestri Celeberrimi tutam protectamq; videbo, nullos masculorum
sermones temere iactatos, tanti patrocinijs autoritate defensus exhorrescam. Dat ex
Collegio Minori XVIII. Cal Octob. Anno Domini 1628.

Q V Æ S T I O.

V. Agens naturale, Actionem transmittat in Passum sibi simile; & in quavis Actione requirat contactum, tanquam conditionem necessariam; atque à Patientem secundum eam qualitatem, quâ agit per se repatiatur nec ne?

C O N C L U S I O I.

Agens naturale sicut non agit in seipsum, per se, ac proprie, ita neq; in sibi simile; quo ad qualitatem in Specie; secus si illa qualitas in gradu fuerit dissimilis.

C O R O L L A R I A.

1. Per accidens bene agens naturale, siue minus siue magis principale sit, potest agere in seipsum; intendendo vim agendi, per actionem reflexam.
2. Si detur simile quo ad gradum efficacitatemq; agendi, non potest agens naturale eiusdem gradus, & efficacitatis, in illud vlllo modo agere.
3. Omnis actio directa, & per se, non aliunde provenit, nisi à proportionem maioris inæqualitatis.
4. Qualitas in Passio non intenditur, nisi ab agente, eam in gradu perfectiori obtinente.
5. Disparata non possunt esse mutuo actiua, & Passiua.

6. Sola dissimilitudo, in raritate, & densitate, non sufficit, ut Actio ab agente, transmittatur in passum.

CONCLUSIO II.

Agens, ad Actionem transmittendam, in passum requirit contactum.

COROLLARIA.

1. Falsum est ad mutuam Actionem, & Passionem corporum, requiri contactum, tanquam rationem agendi.

2. Nil vetat præter contactum Physicum, verum, ac propriè sumptum, admitti in ipsismet actionibus Physicis, duos alios contactus, largo modo ac impropriè sumptos.

3. Astris præter lumen, inest quædam vis occulta, influens in hæc inferiora; qua mirabiles in sublunari hoc mundo producunt effectus, ad quem influxum etiam Cælum Empyreum concurrit.

4. Arbores nonnullæ noxiæ, plantæ pleræque hominum visibus peculiari quadam vi proficue; lapides preciosi, metalla, ligaturæ medicorum Physicæ, periammata, amuleta, fascinationes, contagia, torpedo præsens manum stupefaciens, remora pisciculus nauem in cursu sistens, lupus raucedinem inducens, agunt effluuijs vaporum, ex substantia eorum exhalantium &

tium & affectionem inducunt, vel vires corporis reficiunt, causamq; affectionis alterant.

5. Ut vnum corpus in aliud agat, ad hoc requiritur vtriusque proportio, & distantia determinata.

6. Actio, qua ignis æternus in corpora damnatorum realiter agat, Physicæ considerationis fines excedit.

CONCLUSIO III.

Agens, secundum eam qualitatem, qua agit per se repetitur.

COROLLARIA.

1. Absurdum est dictu, quod Actionis transmissio in Passum, sit eiusdem insinuatio, in rem patientem, per meatus, seu per poros repletos tenuioribus corpusculis, quibus cedentibus agenti subintranti locus daretur.

2. Subiectum, an quantumvis intensa qualitate præditu; à contrario quantumvis remisso, pati possit, dum modo se intra actiuitatis sphaeram cohibeat? Problema esto.

3. Si actiuitas patientis tam exigua sit, & resistentia agentis tanta, vt nequaquam ab illa superari possit, agens in totum repati non potest.

4. Actio, & Passio, solum in agentibus sublunaribus locum habent.

5. Actio

5. Actio, & Passio, est quædam via, ad mutuam elementorum transmutationem, & ad formam misti inducendam.

6. Si à motu cælum cessauerit (prout iuxta doctrinam Christianam post extremum Dei iudicium cessaturum credimus) actionem, & passionem, in sublunaribus nullam futuram.



Sub fælicibus auspicijs, Admodum Reuerendi & Magnifici Domini, ALBERTI BOROVII S. Theol:
Doct: & Professoris Custodis S. Floriani
Canonici Scalbimirien: & SS. Omnium,
Almæ Vniuersitatis Cracouiensis vigilantissimi
RECTORIS.



Biblioteka Jagiellońska



stdr0022140

